

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U GRADAČCU
Broj: 028-0-Su-22-000 169
Gradačac, 03.03.2022. god.

Na osnovu člana 74. i 75. Zakona o državnoj službi u Tuzlanskom kantonu („Službene novine TK“, broj: 7/17, 10/17, 10/18 i 14/18), člana 14. tačka 7., te člana 17. Pravilnika o unutrašnjoj organizaciji i sistematizaciji radnih mjesta u Općinskom sudu u Gradačcu (broj: 028-0-Su-19-000 029 od 10.01.2019. god.), predsjednica Općinskog suda u Gradačcu objavljuje:

JAVNI OGLAS
za prijem namještenika u radni odnos

1. Viši referent za operativno - tehničke poslove (daktilograf) na neodređeno vrijeme
.....1 izvršilac

Opis poslova:

- radi sa sudijama u osiguravanju pravilnog upravljanja predmetima na dnevnoj osnovi
- prekucava materijale i održava evidenciju spisa za sudije uključujući i vođenje zapisnika na ročištima
- odgovoran je za održavanje spisa i unošenje informacija u sistem registrovanja predmeta u odgovarajuće vrijeme
- priprema korespondenciju i dokumentaciju
- vodi brigu o rasporedima suđenja
- poziva stranke, svjedoke i njihove predstavnike i osigurava da su predmeti spremni za ročišta prema rasporedu
- sređuje i žurnalizira spise i dostavlja ih pisarnici suda
- pomaže osoblju pisarnice ukoliko je potrebno, te obavlja ostale poslove po naredbi sudije, šefa pisarnice, sekretara i predsjednika suda

a. Opći uslovi :

Kandidat mora ispunjavati sljedeće opće uslove propisane članom 76. Zakona o državnoj službi u Tuzlanskom kantonu: da je državljanin Bosne i Hercegovine, da je stariji od 18 godina, da je zdravstveno sposoban za obavljanje poslova utvrđenih za to radno mjesto, da ima vrstu i stepen školske spreme potrebnu za obavljanje poslova radnog mjesta prema Pravilniku o unutrašnjoj organizaciji, da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini, da nije obuhvaćen odredbom člana IX 1. Ustava Bosne i Hercegovine.

b. Posebni uslovi:

Pored općih, kandidat mora ispunjavati i sljedeće posebne uslove predviđene Pravilnikom o unutrašnjoj organizaciji i sistematizaciji radnih mjesta u Općinskom sudu u Gradačcu: IV stepen školske spreme; birotehnička, gimnazija, ekonomska ili druga odgovarajuća škola sličnog obrazovnog profila, najmanje (10) deset mjeseci radnog iskustva nakon sticanja školske spreme, poznavanje rada na računaru.

Dokumenti koje je potrebno priložiti:

- a) prijava na javni oglas (obavezno navesti kontakt telefon)
- b) ovjerena fotokopija diplome o završenoj srednjoj školi
- c) ovjerena fotokopija certifikata o poznavanju rada na računaru
- d) uvjerenje o državljanstvu (ne starije od 3 mjeseca) ili fotokopija CIPS – lične karte
- e) uvjerenje o nevođenju krivičnog postupka (ne starije od 3 mjeseca)
- f) potvrda o radnom iskustvu u trajanju od najmanje 10 (deset) mjeseci
- g) ovjerena izjava da u posljednje dvije godine od dana objavljivanja oglasa nije otpušten iz organa državne službe kao rezultat disciplinske mjere na bilo kojem nivou vlasti u Federaciji BiH odnosno u Bosni i Hercegovini
- h) ovjerena izjava da nije obuhvaćen odredbom člana IX 1. Ustava Bosne i Hercegovine
- i) uvjerenje o zdravstvenoj sposobnosti za obavljanje poslova predmetnog radnog mjesta (samo izabrani kandidat)

NAPOMENE:

- Radni odnos se zasniva na neodređeno vrijeme.
- Rok za podnošenje prijave je 15(petnaest) dana od dana objave oglasa u dnevnim novinama.
- Dokumenti se prilažu kao originali ili ovjerene kopije.
- Dokumente koje kandidati prilože uz prijavu na javni oglas – **ne vraćamo**.
- Nepotpune i neblagovremene prijave neće se razmatrati.
- Prijave sa traženim dokazima o ispunjavanju uslova iz javnog oglasa dostaviti na adresu:

Općinski sud u Gradačcu, Titova bb, 76250 Gradačac, sa naznakom „Javni oglas za popunu radnog mjesta namještenika – ne otvarati“ .

Sa svim prijavljenim kandidatima koji ispunjavaju uvjete oglasa biće obavljen intervju, kao i daktilotestiranje. Za kandidate koji se ne pojave na intervjuu odnosno daktilotestiranju smatraće se da su odustali od daljnje konkursne procedure. O terminu održavanja intervju a i daktilotestiranja kandidati će biti naknadno obaviješteni.

Ukoliko je kandidat: član porodice šehida, poginulog, umrlog i nestalog branitelja; ratni vojni invalid; dobitnik ratnog priznanja i odlikovanja; demobilisani branitelj i/ili član porodice ratnog vojnog invalida, dobitnika ratnog priznanja i odlikovanja i demobilisanog branitelja; o istome je dužan dostaviti uvjerenje/potvrdu nadležnog organa.



PREDSJEDNICA SUDA
Slobodanka Kojić